

Sakspapir

Sakshandsamar	Arkiv	ArkivsakID
Berit Karin Rystad		23/388

Saksnr	Utval	Type	Dato
051/23	Formannskapet	PS	19.09.2023
	Kommunestyret	PS	

Oppfylging av Montreal avtalen

Vedlegg:

Brev til kommunene tiltak for å oppfylle Montrealavtalen

Fedjemyrane - kandidat område - supplerande vern - Fedje kommune - Informasjon til grunneigarar

Saksutgreiing:

Saksopplysningar

Naturvernforbundet Hordaland har sendt brev til alle ordførarar og kommunedirektørar/rådmenn i Hordaland der dei oppmodar kommunane om å fatte konkrete tiltak for å være med og oppfylle Montreal avtalen.

I desember inngjekk 196 land ein historisk avtale i Montreal om å ta vare på naturen for å stoppa det alarmerande tapet av natur og artsrikdom over heile verda – inkludert i Noreg. Sidan all natur ligg i ein kommune, spelar kommunane ei avgjerande rolle for å nå måla. Fedje kommune er oppmoda til å fatte konkrete vedtak for å bidra til å stoppe tap av natur og artsrikdom.

Fedje kommune har store naturverdiar knytt til kystlynghei og myrområde. Statsforvaltaren i Vestland har teke kontakt (brev lagt ved i saka), og ynskjer å finne fram til område som kan vere aktuelle for bevaring av verdifull natur i fylket. Dette er eit oppdrag Statsforvaltaren i Vestland har fått i frå Miljødirektoratet. Direktoratet ber Statsforvaltaren om å gå i dialog med kommunane i fylket for å finne fram til område som kan vere aktuelle for bevaring av verdifull natur.

I Vestland omfattar oppdraget i hovudtrekk mogleg oppretting av tre nye nasjonalparker og 22 mindre område, i tillegg til utviding av 8 eksisterande verneområde. Det samla arealet av desse områda utgjer 8,4 prosent av det verna arealet i Vestland i dag. Eit av desse områda er på Fedje. Her blir det vurdert om det kan vere aktuelt med ei utviding av dei eksisterande Fedjemyrane landskapsvernområde og Sekkedalstjørn naturreservat.

Vurdering

Naturkrisa samanliknast no med klimakrisa, og er like alvorleg. Det er etter kommunedirektøren sitt syn viktig å bidra lokalt til å gjere dei tiltak som er mogleg for å bevare natur og artsrikdom. Det viktigaste grepet ein kommune kan gjere er korleis vi disponerer areala våre. Rullering av arealplanen og å ta omsyn til naturen i planprosessen, vil difor være eit godt og konkret tiltak.

Fedje kommune har slik kommunedirektøren ser det ei god forvalting av areala, der dei store naturinngrepa er gjort i nord og der areala i sør stort sett er urørt. Det er allereie gjort viktige grep i kommunen for å stoppe tap av natur knytt til etablering av Fedjemyrane landskapsvernområde

og Sekkedalstjørn naturreservat.

Problemstillinga krev at kommunen tek omsyn til vern opp mot utvikling. Det vil etter kommunedirektøren sitt syn være nødsynt at ei utviding av Fedjemyrane landskapsvernområde og Sekkedalstjørn naturreservat førar til eit meir fleksibel arealforvaltning i nord der mesteparten bustadar og næring er lokalisert. Fedje kommune må ha moglegheit til å utvikle nye næringsområde, og spesielt knytt til næringsaktivitet til sjø og ny etablering av bustadar. Det kan skje gjennom fortetting, utfylling i sjø og utviding av eksisterande næringsareal. Areal må være attraktive sidan Fedje kommune slit med å tiltrekke seg ny næring og nye innbyggjarar.

Statsforvaltaren legg stor vekt på lokal oppslutning og lokal involvering i dette arbeidet og legg opp til å få til ein god dialog med alle partar. Det er klar forventning at Statsforvaltar i ein slik prosess er villig til å sjå ei eventuell utviding av verneområde på Fedje i samanheng med nye areal for utvikling av kommunen. Dette bør gjerast i ein rullering av arealdelen av kommuneplanen.

Moglege tiltak for å bidra til å oppfylle Montreal avtalen:

1. Rullere arealplanen
2. Være i dialog med Statsforvaltar om ei utviding av Fedjemyrane landskapsvernområde og Sekkedalstjørn naturreservat

Folkehelse

Natur og artsmangfald er ein viktig del av folk sin helse og livskvalitet

Miljø

Alle kommunar må ta ansvar for å oppfylle Montreal avtalen

Økonomi

Det er god samfunnsøkonomi i å ta vare på natur og artsmangfald. På Fedje spiller naturen ei viktig rolle i utviklinga av reiselivet

Konklusjon

Fedje kommune er forplikta gjennom Montreal-avtalen å ta omsyn til tap av natur og tap av artsmangfald. Det er difor viktig å balansere vern med utvikling for at Fedje kommune skal ha ei berekraftig framtid som tek omsyn til både økonomi, folk og miljø. Elles vil vern utan moglegheit for utvikling føre til avvikling, nedgang i folketal og at næringsverksemd ikkje vil etablere seg på Fedje

Forslag til vedtak:

Kommunestyret vedtek at natur og artsmangfald skal bli teke omsyn til i rulleringa av arealdelen av kommuneplanen. Kommunestyret ynskjer å gå i dialog med statsforvaltar på kor og korleis Fedje kommune skal utvikle seg framover og krev handlingsrom som planmynde



Fedje kommune

Fellesframlegg, foreslått av Stian Herøy, Høgre

Fedje kommune ønsker ikkje vidare båndlegging av dei knappe areala me har på Fedje.

F - vedtak:

Kommunestyret vedtek at natur og artsmangfald skal bli teke omsyn til i rulleringa av arealdelen av kommuneplanen. Kommunestyret ynskjer å gå i dialog med statsforvaltar på kor og korleis Fedje kommune skal utvikle seg framover og krev handlingsrom som planmynde.

Fedje kommune ønsker ikkje vidare båndlegging av dei knappe areala me har på Fedje.

Samrøystes vedteke.